



ЎЗБЕКИСТОН ПРЕЗИДЕНТИНИНГ ХИТОЙГА ТАШРИФИ БОШЛАНДИ

Ўзбекистон Республикаси Президенти Шавкат Мирзиёев рафиқаси билан бирга давлат ташрифи билан Хитой Халқ Республикасига келди.

Икки давлат байроқлари билан безатилган “Шоуду” халқаро аэропортида олий мартабали меҳмон шарафига фахрий қоровул саф тортиди.

Давлатимиз раҳбарини ХХР маданият ва туризм вазири Сунь Ели ва бошқа расмий шахслар кутиб олди.

Ташриф дастурига мувофиқ 24 январь кунни Ўзбекистон етакчиси ХХР Раиси Си Цзиньпин билан музокаралар ҳамда Хитой-

нинг расмий шахслари ва ишбилармон доиралари вакиллари билан қатор икки томонлама учрашувлар ўтказилади.

Кун тартибидан Ўзбекистон билан Хитой ўртасидаги ҳар томонлама стратегик шериклик муносабатларини янада мустаҳкамлаш ва кенг қўламли амалий ҳамкорликни кенгайтириш масалалари ўрин олган.

ЎЗА

Халқаро ҳамкорлик

Ўзбекистон – Хитой: СИЁСИЙ ДИПЛОМАТИК АЛОҚАЛАР – ЯНГИ ДАВРНИНГ МУҲИМ ПЛАТФОРМАСИ



Хитой Халқ Республикаси Раиси Си Цзиньпиннинг таклифига биноан Ўзбекистон Республикаси Президенти Шавкат Мирзиёевнинг 23-25 январь кунлари бўлиб ўтадиган давлат ташрифи доирасида Пекин шаҳрида олий даражадаги музокаралар ҳамда қатор икки томонлама учрашувлар режалаштирилган. Кун тартибидан давлатларимиз ўртасидаги стратегик шериклик муносабатларини янада мустаҳкамлаш ва амалий ҳамкорликни кенгайтириш масалалари ўрин олган.

Қайд этиш керакки, Ўзбекистоннинг очиқ, дўстона, тинчликпарвар сиёсатида ХХР билан ўзаро муносабатлар муҳим аҳамиятга эга. Бу ҳамкорлик алоқалари ҳар томонлама стратегик шериклик асосида ривожланиб, доимий такомиллашиб бормоқда. Икки ва кўп томонлама сиёсий дипломатик алоқаларнинг моҳияти ва йўналишларини ўзаро манфаатдорлик, минтақавий ва халқаро миқёсдаги истиқболли ҳамкорликка доир масала ва муаммоларни ҳал этишдаги тизимли ёндашуларда кўриш мумкин. Бу жараён бугун янги даврнинг кенг қамровли стратегик шерикчилик йўналишлари ва вазифаларидан келиб чиқмоқда.

Давоми 3-бетда


Тараққиёт йўли

ИНСОН КАПИТАЛИНИ РИВОЖЛАНТИРИШ ДЎСТОНА МУНОСАБАТЛАРНИ МУСТАҲКАМЛАШ АСОСИ

Давлатимиз раҳбарининг 2024 йилдаги илк давлат ташрифи айнан Хитойга амалга оширилишида ҳам рамзий маъно бор. Экспертлар фикрига кўра, ушбу ташриф ўзаро ҳамкорликни янада ривожлантириш, икки давлат муносабатлари тарихида ўзига хос янги саҳифани очишга хизмат қилади.

Давоми 3-бетда

Нуқтаи назар



ЎЗГАРИШ БОР

ЛЕКИН ФОЙДАЛАНИЛМАЁТГАН ИМКОНИАТЛАР ҲАМ ЕТАРЛИ

Йил боши, хусусан, январь ойининг учинчи ҳафтаси мамлакатимиз ижтимоий-иқтисодий ҳаётига дахлдор ташаббус ва тадбирларга бой бўлди. Президентимиз раислигида ўтказилган икки тадбир — макроиқтисодий барқарорлик ва иқтисодий ривожланишни таъминлаш ҳамда 2024 йилда инвестиция, экспорт ва sanoat соҳаларидаги устувор вазифалар муҳокамасига бағишланган видеоселектор йиғилишларида кўтарилган масалалар, олдинга қўйилган мақсадлар мамлакатимизда амалга оширилаётган ислохотлар ижросини нафақат йил давомида таъминлашга, балки Ўзбекистоннинг яқин истиқболга хизмат қилиши билан аҳамиятлидир.



Аввало, шунга таъкидлаш керакки, ҳар иккала йиғилиш таҳлилий ҳамда танқидий руҳда ўтди. Тўғри, бугун мамлакатимиз иқтисодиётида ижобий ўзгаришлар, ўсиш бор. Лекин, шу билан бирга, ҳали қилиниши лозим бўлган ишлар, тўлиқ ва тўғри фойдаланилмаётган имкониятлар ҳам кам эмас. Давлатимиз раҳбари аини шу имкониятларни ишга солиш лозимлигини кўп такрорлади, бу борада тегишли масъуллар зиммасига муҳим вазифалар қўйди.

Ютуқлар ўзимизники, улардан келадиган наф четга кетиб қолмайди. Улардан ҳаволаиб кетиш ҳам ярамайди. Аксинча, янги мақсадларга интилиш керак. Ўзбекистонда амалга оширилаётган ислохотлар ўзининг изчиллиги, бугун мазмун-моҳияти билан аини шунга қаратилгани диққатга сазовор.

Давоми 4-бетда

Бурч

ЮКСАК АХЛОҚИЙ ФАЗИЛАТЛАРГА ЭГА ЁШЛАР ЁТ ҒОЯЛАР ДОМИГА ТУШИБ ҚОЛМАЙДИ

Мамлакатимиздаги маънавий тикланишнинг ҳозирги босқичида жамиятимизни, хусусан, ўқувчи ёшларни миллий ғоя руҳида тарбиялашнинг аҳамияти тобора ошмоқда. Шу боис, жамият ҳаётида маънавий-маърифий ишлар тизимини тубдан янгилаш, ислох қилиш — Ўзбекистоннинг буюк келажagini таъминлашнинг бош шартларидан бири, деб эътироф этилмоқда. Жумладан, таълим муассасаларида маънавий-маърифий ишларни тўғри йўлга қўйиш бу борада олиб борилаётган ислохотларни мустаҳкамлашда асосий омиллардан биридир.

Давоми 5-бетда

Муносабат



ИШБИЛАРМОНЛИК МУҲИТИНИ ЯРАТИШДА ИНВЕСТИЦИЯНИНГ ЎРНИ БЕҚИЁС

Ўтган йили 2022 йилдагига нисбатан 1,8 баробар кўп инвестиция жалб этилди. Бу мамлакатимизда кейинги йилларда инвестиция муҳитининг жозибadorлигини янада ошириш, ҳудудларда тадбиркорлик фаолиятини ривожлантириш, янги ташаббус ва лойиҳаларни молиялаштириш, иқтисодий барқарорликни таъминлаш бўйича кўрилаётган чоралар самараси, албатта.

Иқтисодиётни барқарор тараққий эттиришда инвестициянинг аҳамияти беқиёс. Сабаби, бу кўп-лаб соҳа ва тармоқлар ҳамда ҳудудларга янги технологиялар, илғор тажрибалар, юксак малакали мутахассислар кириб келиши ва тадбиркорликни жадал ривожлантиришга улкан пойдевор яратади. Ўз навбатида, кўп-лаб янги иш ўринлари ташкил

этишга туртки бўлади. Энг муҳими, ёшлар учун пухта билим олиш имконияти, умуман, давлатимизнинг интеллектуал салоҳиятини янада ошириш учун етарли даражада шароит яратилади.

Давоми 2-бетда

Жалолiddин Мангуберди изидан

Президентимиз 2020 йил 12-13 март кунлари Хоразм вилоятига ташрифи доирасида Жалолiddин Мангуберди жасоратининг ёш авлодни миллий гурур ва ватанпарварлик руҳида тарбиялашдаги тарихий аҳамиятини ҳисобга олиб, қатор топшириқ ва вазифалар берганди.

ТУПРОҚ — ЎЗЛИК ИЛДИЗИ

ЁХУД ҚУДРАТЛИ ХОҚОН БОБОЛАРИМИЗГА БЕШИК БЎЛГАН ЗАМИН



Вазирлар Маҳкамасининг 2020 йил 23 июлдаги фармойишида бу топшириқлар ўз аксини топиб, Жалолiddин Мангуберди изидан Туркия, Мўғулистон ва бошқа мамлакатларга илмий-маърифий экспедициялар уюштириш, тарихий ҳужжатларни ўрганиш, асарлар яратиш сингари қатор вазифалар белгилаб берилди. Утган вақт оралиғида ўндан зиёд тарихий-илмий асар яратилиб, Хоразмнинг Урганч ва Туркиянинг Дибёрбақир шаҳрида Жалолiddин Мангуберди тарихининг янги саҳифаларини ўрганиш юзасидан нуфузли анжуманлар уюштирилди.

Давоми 6-бетда

